

BOHLAHLABI BA BAETI

Diofisiri tsa Bolaodi ba Meedi tshabetsong ya tsona ba lokela ho etsa hlahlobo ya diphahlo, dibaka, dipalangwang kapa dikepe. Sena ke ho latela Karolo ya 15 e bolelang hore motho ofe kapa ofe ya kenang kapa ya tswang ka Afrika Borwa, ho latela ka moo Khomeshenara a tlang ho laela ka teng, o tla tsebahatsa dithoto tsohle ntle le dipheho (ho akareditswe dithoto tsa motho e mong) tse ho yena ka seqo kapa tseo a di tshwereng (ho akareditswe le diphahlo tseo a tsamayang ka tsona kapa tseo di seng ho yena) tse:

- rekilweng kapa tseo ka mokgwa o mong di fumanweng mose kapa sekepeng, sepalangweng kapa shopong efe kapa efe e rekisang dithoto tse sa lefellowang kgafa;
- ileng tsa fetolwa sebopeho, tsa sebetswa kapa tsa lokisetswa mose;
- thibetsweng kapa tse laolwang tlasa molao ofe kapa ofe; kapa
- neng di lokela ho tsebahatswa pele di tswa ka Afrika Borwa ho latela ka moo ho lohothwang ka teng ka tlase mona.

Pele o tsamaya, dithoto tsohle tseo o rerileng ho tsamaya ka tsona ho tswa ka meedi ya Afrika Borwa, ho kenyeleditswe le dithoto tse:

- Tshwaretsweng motho e mong;
- Tse reretsweng ho fetolwa sebopeho, ho sebetswa kapa ho lokisetswa mose;
- thibetsweng kapa tse laolwang tlasa molao ofe kapa ofe; kapa
- Dithoto tsa motho ya keneng Afrika Borwa nakwana moo ho ileng ha hlokeha hore a di tsebahatse ka nako eo a neng a kena Afrika Borwa.

Jwalo ka moeti, o tlameha ho araba dipotso tsohle tseo o di botswang ke Ofisiri ya Bolaodi ba Meedi ka botlalo le ka nnete, moo ebang ofisiri e hloka hore o hlahise le ho bula dithoto tse jwalo hore di hlahojwe, o etse jwalo. O tlameha ho lefa kgafa e hlahlobilweng ke Ofisiri ya Bolaodi ba Meedi, ebang e le teng, ho Molaodi / Motsamaisi wa Lekala.

Ofisiri ya Bolaodi ba Meedi e ka emisa, ya hapa le ho hlahloba diphahlo dife kapa dife tse tsamayang le motho kapa tse sa tsamayeng le motho ha di ntse di le tlasa taolo ya Bolaodi ba Meedi ka sepheo sa ho fumana hore na ho ile ha ikobelwa dipheho tsa Molao wa Bolaodi ba Meedi le ya tse kenang le ho tswa ka naha kapa molao ofe kapa ofe o mong o lokelang ho ikobelwa.

Ofisiri ya Bolaodi ba Meedi ka nako efe kapa efe, e ka roba senotlolo sefe kapa sefe se hoketsweng diphahlong tsa hao ebang dinotlolo tsa sona di le siyo nakong eo di batlwang ka yona. Ha ho motho ya tla bang monyetleng wa matshedisano a tahlehelo kapa tshenyeho efe kapa efe e bileng teng ka lebaka la ketso ena e se hlokanang lonya e entsweng ke Ofisiri ya Bolaodi ba Meedi. Ofisiri ya Bolaodi ba Meedi e ka hlahloba diphahlo tse sa tsamayeng le motho bosiyong ba moemedi wa sepalangwang kapa akgente ya hae ebang boiteko bohle ba ho netefatsa hore na moemedi wa sepalangwang se jwalo o hokae na, bo thisitse.

Dikotlo

Ditlelaente di lokela ho ikamahanya le dipheho tsa Molao tsa hlahlobo mme ebang ba hloleha ho etsa jwalo, seo se nkuwa e le tlolo ya molao. Dikotlo di ka nna tsa baka hore ho be le:

- Dikotlo tsa tjehelete;
- Botjhotjhisi ba bonokwane; le/kapa
- Phanyeho/ho hlakolwa ha ngodiso/laesense/kananelo ya semmuso.

Ho fumana lesedi le leng le mabapi le dihlahlobo tsa baeti, o ka sheba tokomane e bitswang [Traveller Processing](#).